

甌

甄

洞

續

稿

龍龕洞續稿詩部卷之五

武昌 吳國倫 著

楊李 馮夢禎 校

五言律詩一百八首

甘露園爲何仁仲賦

以下戊子歲

爲報閒居癖知君野興長
圃開邨子國歌發鄧人鄉
古木承清露幽花競晚香
試看環堵外何地不風霜
偶出富口遇行甫適至與諸友痛飲舟中作

隔水何曾約停舟若有神
一樽波上酒千里夢中人
握手狂難制論交癖轉新
酣來天欲曙欵側任綸巾

顧得蒙見訪過予富口舟中留飲卽事

歸棹雨中泊美人天際來不成三徑往且共一樽開
岼草荒吳壘江雲隱鄂臺老懷酣未吐都畏汝多才
寄題顧方宗侯書齋

王子好樓居軒臨牛斗墟國恩曾几杖宗器亦圖書
瑞自文昌應光耀太乙墟遙聞登覽賦隻字擬璠璣
喜吳求叔再至二首

一別人將老重來賦已工時情今漸異古意向能同
世本緣吳季貧猶倚謝公十年離索苦那惜酒樽空

其二

爲念山居癖相求不憚遙坐令三伏暑都向百杯消
生事安貧病清吟破寂寥預愁明日別風雨暗河橋

贈黃愁約

愁約長山人
元相子也

白葛隱茅茨蕭然叔度兒每逢開社處常憶過庭時
遠叩愚公谷先成幼婦詞山亭留一醉遂結水雲知
贈王成韶

謝公多酒伴得汝更清狂醉熊花間好歌聲水際長
無勞問奇字且共納新涼湖上移舟緩千山送夕陽
寄題桃花嶺園亭四首

有序

嶺在齊之海豐今少保二山楊公尚書里也

公里居時嘗築園嶺下與鄰翁社老遊甚洽
已雖荒登宰輔未嘗一日忘枌榆之思可知
古大臣功成辟穀老至縣車其志盖有託焉
而出處特幻境耳頃聞人譚學閔從公所寓
書來雅稱園亭之勝屬予題予意別公三十
餘年未有一字相聞問今得神遊其園而想
像詠嘆之庶幾一通其野心足矣何論詩之
工拙哉

爲問桃花嶺何如桂樹叢開園當絕勝表海況餘風
任自操衡重心仍抱甕同皇朝須爽輔那得遽墻東

其二

紫府尋仙去玄都種樹來五雲三象近千歲一花開
自縮飛霞珮常懸望海臺看君家視國寰宇借栽培

其三

臺榭臨東海微茫見十洲風從齊魯變神竝水雲幽
過里脩耆舊還朝翊冕旒行藏都是幻豈必戀營丘

其四

憶自趨青瑣分曹侍紫宸一時垂羽翼萬里望參辰
見道林亭勝何當覽眺頻功成如有託願結赤松鄰
寄君衛宗侯益吾友張羽王爲索贈也

寂寞張平子，君侯晚見親。
筍輿過問字，木榻坐忘貧。
把酒看時態，栽花適性真。
登樓有佳句，桂嶺失嶙峋。

伏日曉過北園

水郭凌晨爽，楓林辟暑宜。
輕烟浮睥睨，初日動漣漪。
松桂深相結，禽魚摠不疑。
冷然幽意愜，木末起涼飈。

謝叔蒙同求叔過訪飲北園作二首

謝氏東山屐，踉蹌到北園。
遂成逃暑社，同泛酌花樽。
帶雨躋風磴，披泉過石門。
須臾殘照出，野興欲飛翻。

其二

雨浥千花過，泉奔萬石飛。
輕烟迎進艇，爽氣入披衣。

稚子釣魚出田人射雉歸松風激涼籟坐覺暑全微
送劉世仰赴南都應舉二首

老病不勝暑因君一舉杯重操鸚鵡筆直上鳳皇臺
佳麗江南景縱橫天下才秋風震旗鼓應奪錦標回
其二

鼓棹金陵去天門此問津逢時應未晚奏賦轉能新
偃蹇王庭璞光輝帝室珍良當振家學端笏待楓宸
寄詹仲子

爲憐詹仲子垂老一儒官翰墨都人重風流晉代看
俸錢聊貰酒勝地且彈冠莫道雲霄遠還應六翮搏

俞本之并至兼得元美彥吉諸故人書

谷室方逃暑
君偏觸暑來
看泉聊據石
望雨一登臺
故舊頻書札
乾坤但酒杯
不知江海上
何客更憐才

送俞本之還吳

旅客淹殘暑
津亭忽早秋
言歸司馬里
遠託李膺舟
江葉迎人下
吳雲接水流
總題豪士賦
容易向誰投

得鄒彥吉書及讀其詩文喜而有寄二首

鄒陽上書後
僻卧九龍峰
賦謝人間語
遊縣域外蹤
饔飧吳橘柚
襟袂楚芙蓉
尺素憐子老
招邀訪赤松

其二

何事逃簪紱歸來抱典墳
題招隱賦新著解嘲文
總託浮沉老還愁遠近聞
惟應鑿坏去聊且避玄纁

寄門人王太古二首

斗酒閭門月論文憶往年
別來書不斷思極夢相牽
久自藏虛白真能守太玄
新詩殊應手巧力更誰傳

其二

及門誰後至望道汝先登
恥復馳中駟因之託上乘
含毫舒感慨沽酒慰飄零
貧病依嚴武還如杜少陵

寄荅俞公臨二首

有序

公臨自北園別我期越歲再至乃今兩越歲

矣書來乃知吳中大潦之後患盜憂生且乘
此時治草堂拮据爲甚公臨豈忘我哉爰有
此寄

憶與俞郎別湖頭風雨驚總勞千里夢已負隔年盟
寇亂妨高卧年饑困耦耕秋風聞過鴈搖落不勝情
其二

虛我北園榻于今已二霜稍聞吳漸沼不復河無梁
借力耘茶隴依人結草堂餘皮骨在何暇更浮湘
故人蕭宗魯自黃陂遣使問遺無以詩文見示

寄荅二首

江風吹鴈使來自木蘭山舊劍猶龍氣新文更豹斑
燕金分市酒尺牘借開顏入夜新秋月相望隔楚關
其二

舊識南州士元非百里才除書分楚邑重價在燕臺
興借山川適許無案牘裁弦歌聲漸遠笑口爲君開
得向葵卿書頗有憂生之歎賦此報之

何事憂生甚江鄉歲累侵夏畦虛閔旱春社復愁霖
米價移時長炊烟比屋沉猶聞桴鼓動那得不驚心
初秋徐應時俞本之夜過小飲

忽忽涼颼動飄飄二客來庭幽遲上月天寂遠聞雷

但恐樽疊罄都忘更漏催細聽金縷曲酣極更徘徊

贈祥上人二首

一片雲中錫飛從廬岳來傳燈金界朗讚佛寶蓮開
坐淨三生石心空萬劫灰豈應無盡意翻使衆人猜

其二

性佛緣師利詩禪類遠空山雪隨去住海月共圓通
說偈無人解書懷祇自工逢予驚一笑宛過虎谿東

秋夜徐應時同伯明惟遠對月

明月來三友清言慰老夫天空飛玉鏡露下濯冰壺
但恐詩難稱無妨酒更呼高陽非尔輩誰復是吾徒

贊仲和影子贈此詩

不信居移氣君看帝子容揚眉渾欲語端冕自爲恭
共識人如玉由來種是龍纔憐一水隔恍惚又過從
聞行甫賢郎首選補諸生志喜二首

冠蓋尚書里文章太史風妙年操彩筆通國贊黃童
抗志金閨籍明經璧水官由來渥洼種逸足快騰空
其二

漢代河南守飛書薦少年不緣魁里選那得辨才賢
論世烏衣舊娛親彩服編通家吾已老持贈繞朝鞭
喜姪孫寰補郡諸生詩以勉之

儒術緣先世家聲屬後賢冠裳開素業俎豆託青編
進講諸生列承歡大父前分陰須自寶萬里待揚鞭
沈慕君輓詩

才以微官束名偏晚節孤路窮雙路盡家在一錢無
素旄悲辭楚滄江夢入吳可憐歸去日不復覩尊鱸
秋日郊行

出郭美遊情山山秋氣清烟斜村近午日澹野初晴
入谷探泉脉穿嵯聽竹聲停驂幽絕處衣袂白雲生
登羅牛山

山斷如函谷九泥塞未周何當來紫氣亦說度青牛

箭枯雲中見蹄涔石上留至今行路客誰復遇仙流

寄劉介卿戶曹二首

時劉宜南都

汝昔過三徑交歡未問年論文知白璧入選竟青錢
宦跡令南北才名孰後先懷予應不淺只少鴈書傳

其二

近得兒曹信知君述作工放歌牛渚下懷古鳳臺空
海月上仙署江雲飛故宮銜杯清興發那得老夫同
病中得沈道初病後書卻寄二首

千里驚同病開緘轉自憐流光何冉冉餘息幸綿綿
問藥全妨酒攤書只助眠望中牛斗氣猶復吐龍泉

其二

邂逅虎丘寺，酣歌鶯脰湖。幾年虛入夢，一札儼相呼。
病起看佳句，狂來戀舊徒。片雲懸楚越，何得御飛鳧。

哭周象賢二首

象賢子門人，爲襄王府少史，老不能歸，遂卒于襄。

與子別未久，念予書累傳。正須愁一水，忽已隔重泉。
焚道歸成夢，襄流逝不旋。王門今罷醴，猶憶穆生賢。

其二

已分王官老，其如生事微。食貧仍好客，垂死但思歸。
豈應書駒讖，將能誇鶴飛。秋風兩行淚，遙向峴山揮。

哭王敬美太常六首

抱病移書札猶然問養生胡爲妖祲作遂掩德星明
六翮摧冥海三身委化城總令泉路隔生死自交情

其二

憶自經家難辭官幾上書身輕便去國心老在居廬
壯氣銷長夜遊魂反太虛容輝不復覩灑淚濕襟裾

其三

識汝纔英妙縱橫六藝場時情經白眼家樂豈青箱
大衍今成讖

敬美甫
踰五十

長庚驟失光交游傾四海何處

不心傷

其四

當代論風雅還誰似汝兄門庭足師友地望且公卿
不淺通家分兼含結社情須更成隔世累夕夢魂驚
其五

入國聞新命承恩領太常擬陳宗廟禮兼佩秩臣章
何自嬰多病飄然老故鄉百年齊旦暮身世總堪忘
其六

憶解燕山袂還傾澹圃樽詩篇長恨別關塞黯銷魂
尔託空衣去予悲腐骨存陰氣迷白練虛復望吳門
張伯常使君將以入覲北上酒間言別五首
豈是山中郡能淹海內才疲癯千室起氣象一時開

彩仗瞻仙闕黃金散

古臺定知元會日先獻萬年杯

其二

司馬編循吏名先楚
佩劍雙龍奮超朝五

大夫民艱徹宵旰宦績起江湖
馬驅新恩留侍從不復遠分符

其三

一竅醜甄洞頻能過
野景神方狎江關手

使君開樽谿上月高枕石心雲
遽分自今懸北望何以致殷勤

其四

麗藻元江左高歌忽
倡和無虛日循良自

郢中何妨官不調轉使賦能工
古風衰年感長別樽酒暫須同

其五

自遇張平子相憐意獨真已全寬禮數猶恐著風塵
分與時情薄交緣雅道親河梁一以別書札可能頻
顧子敬郭命卿同過北園小飲

曳履雙林外移尊萬石間客衣沾綠蘚野屋抱青山
溪冷魚仍躍亭昏鶴已還醉看霜後菊猶足慰衰顏
行甫夜過同賦二首

老至稀同調那能久別君衝寒遙見訪對月欸論文
古調旋相和巖更總不聞經時一携手十日未應分
其二

已掩荆扉卧驚開社客來起迎寒月上坐語白雲回
縱飲憑高興看詩歎異才遂令愁病色忽忽爲君開
雪後邵麟武司理枉過北園留醉二首

朔色滿林臯能令客興豪竹斜氷欲斷松勁雪偏高
野衲供清茗行厨進濁醪不妨登覽徧西日散蓬蒿

其二

不是憐貧病誰能履雪來一區聊短榻萬事且深盃
返照寒相射橫塘凍未開峰頭纖月吐車騎轉遲迴
冬日廬山僧果秀過我北園索贈

汝爲聽經至還能看竹來徑荒聊拄錫花落但登臺

山疊點頭石溪浮度世杯經行多妙相魚鳥莫相猜
和尚了誰過我北園索贈

偶布松間榻如登花氏城小山藏十地奇石悟三生
持汝安禪去參予辟世情都從迷處覺河海亦無名

賞紅白梅作

以下已丑歲

梅開紅間白輝映錦成林石點霞英細總含雪意深
丹珠紛可摘碧玉燦相侵片片香風動樽前助苦吟
口號贈林敦厚西賓

自汝居西塾吾孫漸有儀先訓童子性緩約聖功期
錫拭雲霄翼花含雨露安老大微醉後竊喜聽吾伊

春日山行書所見四首

小徑穿田滑扶筇力漸支山雲迎斷續隴樹歷參差
病鶻栖林杪飢鳥啄水湄逢人多菜色生恨麥花遲

其二

緩步憐芳草微吟過落花平橋新水入遠岫宿雲遮
里巷疎烟火江門急鼓笳不關遊興少景物動堪嗟

其三

辛苦諸田婦携兒掘草根聊能充赤米猶勝采芳蓀
果腹千家急攢眉幾日存須更緩溝壑應待發棠恩

其四

草屋村村閉苗田處處枯野蔬新長甲山木漸無膚
坐見荒農務猶聞督市徂經行雙淚墮斜日澹平蕪
荅方寅初江上見懷二首

好遊非尔癖多莖且時名旋學臨池法逾增玩世情
無家供飲啄有客薦縱橫多少窮途恨歸來尚未平
其二

干時苦不遇處處感交遊公子爭虛席詞人半借籌
黑貂看漸敝青雀繫難留且傍東山臥新詩破爾愁
寄向葵卿

出園春欲盡狂駕亦何遲取艾情應重

時葵卿以看
弟病爲慮

花興已移夢中虛把臂書後獨支頤只尺如相負
堅五嶽期

荅劉壽鵠茂才二首

久自深巖穴君來何所聞通名曾漫滅修贄况慙慙
且罄樽中酒同論世外文居然成郢質卻愧少風斤
其二

道術窮誰叩文心老自憐因君能好古使我遽忘年
黠色蒼龍紉希聲綠綺絃江鄉有知己那復問時賢
哭莊則勸四首

一束青氊去雙文懸素旆歸官隨泉路迫心與命途違

稚子將孤櫬農人闔舊扉江門風雨暗何客不沾衣

其二

末路驚相失窮交自少年藜羹思共飽布被憶同眠
病豈杯蛇誤生同轍鮒捐已知人世隔猶有夢魂牽

其三

頗怪音郵絕那知館舍虛之官曾幾月長往似三閭
室掩新顏壁囊殘舊積書山陽笛未奏揮淚濕襟裾

其四

地下誰當葬莊周故達觀交情生死見人世古今看
老別魂先斷官婦骨已寒總無妻子託何忍負張堪

輓門人孫武昌二首

密邇憐分邑雍容憶及門
美名當國器褒績自君恩
何意朝天路難招逆旅魂
傷心諸父老風雨泣江村

其二

奉母依依祿康平
衆所推風霜忽不保
天地揔堪疑
白骨黔南道青楓江上祠
夜烏啼箐嶺偏助北堂悲

晚泊富口卽事

鼓棹乘新漲聊爲出谷行
石堤春柳暗江市晚烟平
歸鳥隨帆影空山應舫聲
停杯待纖月一暢野人情

酬熊長公二首

不忝名公後脩然卧舊廬按圖搜逸典託疾謝徵書
賦體三都近家風萬石餘論心忘爾汝似與古人
居
其二

歲歲詩稱壽情深調每工岡陵非絕響江漢有遺風
世外存芝友雲間禮木公如傳不老訣只合與君同
尤介夫自益王府再至便往武陵訪友

喜汝重相叩移尊坐薛蘿酒狂殊不減詩癖近逾多
野服王門倦烟槎漢水過招邀武陵去奈尔好奇何
五月朔日袁比部邀飲川上樓觀競渡

潦平山市層樓障遠峰烟靄銜百雉風浦躍雙龍

飲藉爭標劇歡隨疊鼓濃靈均不可作千古弔遺蹤
初三日袁比部過飲北園觀競渡

湖上群龍鬪花間五馬來怡情自山水隨處可樽疊
淡日縣高柳微風動古槐盃行不暫住金鼓齊相催
故人程汝正過飲北園因懷其從子巨源二首
時兩兒一婿並在坐

何客叩松關雲流萬石間攬衣穿黻黷移席面潺湲
敢擬丹山勝汝正家有別業聊同鄭谷閒竹林人木滿白
岳望逾殷

其二

山水自吾性景光殊可憐卻從遲暮日重數結交年
燕雀窺人語葵榴照席妍兒曹矜賭墅不及謝家玄
汝正醉中與
兒對奕故云

哭張司馬六首

自返三巴卧誰將一字來岷峨忽改色朝野竝街哀
冢象祁追起碑傳上相裁束芻千萬里何日赴泉臺
其二

白面登朝日承恩忝並名時艱同意氣交久見生平
仕路三朝蹟詞場萬古情祇令成隔世那得不吞聲
其三

天挺奇男子風猷鬱縉紳燕臺收騁裏漢閣表麒麟
箕尾靈難散旄頭氣忽湮九邊文武士何處不沾巾
其四

翊漢才難並遊梁跡偶同我甘栖五柳君竟取三公
塞外長驅略天邊夾輔功豈緣筋力盡萬事委虛空
其五

天朝大司馬親扈六龍飛白鉞清遙海彤弓出禁闈
名齊三傑著骸乞兩疏歸閱世都長夜焉知地下非
其六

淚眼瞻巫峽魂來倘未真平生兄事我倏忽鬼為鄰

市肆三都賦詞林萬鑑珍衰年腸易斷萬縷不堪陳
斗牛二孫跳笑予前喜而有作

何物占家造參差兩稚孫分甘恣跳笑擁膝慰寒暄
客訝驪龍種子慙駟馬門漸看雛保母玉立侍開樽
送斗孫受學塾師時纔及五歲

屈首遊西塾童齡也丈夫青雲需剪拂白日效伊吾
志已耽留研書能傲拭觚貧家無長物經術是良圖
閔旱兼有所感八首

無復雨如膏生與地不毛千家襁烝癘四境入牢騷
計欲冰山近身難火宅迹重甍不可信何以慰嗷嗷

其二

丹石同焦灼驕陽奈尔何閭閻生氣少杼軸怨聲多
澗涸無龍卧門荒任雀羅老夫愁欲死無力挽天河

其三

鬱蒸殊不解壇社總無靈坐見枯千畝虛勞召五星
殷憂懸自結野哭未能聽卽有灾祥問誰傳董氏經

其四

里巫喧逐疫村父剝禳田白骨纍纍載青苗寸寸捐
此時誰罪已中夜獨憂天欲擬春陵詠揮毫涕泣然

其五

灾沴連三楚，咨嗟更一隅。蒼天一以問，赤地幾時蘇。
城郭號新鬼，公庭急舊逋。紛紛亡命者，日夜嘯荊蒲。

其六

群盜紛如蝟，當關了不驚。比閭遑自保，抱鼓爲誰鳴。
喋血成常事，椎心作苦聲。林間憂世者，垂死未能平。

其七

一時菑害集幽憤，鬱難陳得食如仙。堪逢人半鬼，薪
獄俘宵作祟陰。火盡成磷，豈是民風薄。還應召杜親。

其八

歲歉偏多難，天心亦可疑。吏威重足見，民事察冒知。

灌鼠先妨社烹鮮已作糜藜素常不飽何敢問安危
送程驛宰擢赴澧州司倉

幾載津門吏勞如古抱關郵書乘夜發傳使迫星還
龍穀荒山下逢迎巨浪間稍聞移散秩聊乞此身閒
其二

短棹出巴丘西行達澧州寧辭倉令小且逐廩人遊
祿薄才無忘官閒職易善米蘭供結佩知復向誰投
冠巨源饒汝順過飲齋中

獨掩空齋臥誰偏編者過晚年增酒伴長日困詩魔
攘臂兒能勸振聲客自歌微風吹蘭氣黃菊惜醉顏

聞道友談玄賦贈四首

北望真人氣來從傲吏
癯玄宗歸性命法象剖陰陽
有合成丹母無爲是藥王
分明神授訣一語破緇黃

其二

逢師良不偶仙籍簡收名
龍虎先天氣乾坤太乙精
嬰兒懸土釜天將護金城
便擬從飛舄逍遙上玉京

其三

辟人傳立鼎混俗且懸壺
但識三元會何妨二氣龜
驅魔慧劍制勝在陰符
一黍歸神室靈胎定有無

其四

產藥源非遠登天路不賒偶聞軒后秘疑造廣成家
九鼎非金鼎三花即慧花細傾長命酒携我躡飛霞

題文徵仲小畫

舊父文博士繪事老逾工尺練群峯疊層臺萬石雄
似聞喧澗瀨忽覺灑松風客漫嘲穠艷神情代不同

苦蠅

據榻方逃暑營營飛夏蟲移永聲暫遠點玉計還工
驥附終何適鷄鳴亦誤同只須寒露降坐見尔曹空

苦蚊

怪尔微能螫令予卧屢驚知無負山力強作聚雷聲

斗帳恣橫絕焦冥託死生秋風清戶牖敢復向人鳴

聞蟬

野郭秋陰澹蟬聲茂樹多似懷齊女怨來激楚臣歌
響疾金風應枝高玉露和蟬蛩虛奮臂奈尔潔身何

聞蟋蟀

欹枕不成寐壁蟲吟未休解憐長夜病胡牖暮年愁
颺起金初厲寒迎火漸流分明感搖落入室助悲秋

贈新州徐太守九浮考績二首

刺郡臨江漢風流衆所欽感時回末俗懷古發清吟
歷試烹鮮手常操馭馬心臺章奏嘉績應沐帝恩

浮

其二

才美元東舊循名位楚多况經多難後無奈苦心何
新境與荒頗使苦善哉 漢吏千金諾與人五袴歌 中朝鵷鷺
侶濟濟待鳴珂

登浮玉亭

亭在蘄州江心

石扼雙流險亭當一柱支江山懸震蕩日月莽推移
岿樹微茫出風帆上下馳望中吳楚盡秋色正堪持
聞朱秉器方伯擢大京兆寄贈二詩

有詔徵高第嚴封屬保釐風雲開輦道日月近軒墀

二陟兼周命三王揖漢儀光輝冠群牧不是主恩私

其二

宣力外臺久承恩內史新威名三輔動約束五侯遵
便好清王路寧誇策要津四方風美惡先藉桐梁陳

贈周山人忠卿

忠卿以商遊符
禍而贊而見

江上逢公瑾孤槎興杳然事從懷璧過名以散金傳
慷慨青萍劍蕭條白雪絃飲醇殊易醉誰謂友情偏
冬日劉壽孺見過言別

汝客江南久歸囊一素琴風雲留抱膝山水待知音

長揖暮何適，敝裘寒已深。高堂髮漸短，難繫遠游心。
人日游山人，宗謙至同兩兒。暨方寅初携壺夜，
就旅舍小飲，共賦山字。

春回纔七日，客已過千山。佩劍衝寒解，囊詩對酒刪。
菜盤依楚俗，華勝憶閩關。坐久聞殘漏，淹留未擬還。
歲暮答向葵卿病後見問。

風雨千山暮何從，一札傳秋文。衰漸廢，貧病遠相憐。
祇自親醫案，逢誰覓酒錢。強支憔悴色，幾日又明年。
除前三日向純卿過飲。

隔歲探春色，林深暖未回。漸看殘臘盡，何意美人來。

留裡梅花曲燈前柏葉杯
倉皇問歸路風雨漫相催
除前二日過方寅初旅舍有感留贈

雨雪年垂盡江鄉客未歸
館人拊木榻僮僕浣泥衣
側目時情淡含心友道微
不知雙賦筆醉裏向誰揮
朱康侯過訪席間賦贈二首

歲窮寒轉劇江路況風波
不有王猷興誰能雪夜過
通家情故重千世策如何
且漉盈尊酒扶携醉薜蘿

其二

雅道元江漢深交自父兄
關心數行淚携手百年盟
老病誰相慰文章敢漫評
看君纔白面不媿有詞名

謝直甫見遺琴爐兩舊物

屢輒乘舟興還期命駕來家珍殊不惜野服若爲裁
器昉河濱製桐疑爨下材知音即同臭心賞爲誰開
徐古若至

老去但高卧君來何所聞聊供脫粟飯飽閱送窮文
羈旅諳時命浮家借水雲窮愁殊不解花鳥自紛紛
喜郭大冶被薦

下邑歌循吏中臺州薦善行能堪竹帛聲價定璠璣
縱雉風寧遠飛鳬事不虛旋當簪白筆入侍紫宸居
齋前植蘭

異種生幽谷移栽及早春風苞香自結雨葉翠堪珍
九畹憐騷客孤芳近野人不須紉作佩齋閣長精神
暮春同呂惟烈石文旦偶過田家飲竹間作

竹裡茅茨遠蹊傍秫稻田疎林延夕照暗谷響春泉
農務村相望節華客競憐松醪殊不薄醉抱野雲眠
郝震伯茂才過訪因贈

問齒憐先進論才畏後生風稜看國器儒術領家聲
江上乘舟興花間對酒情莫言投分晚肝膽爲予傾
席間和安小范作

迢遞梁谿棹言浮湘水過非緣采葑菲那得叩藤蘿

詩挾名山壯風藏秘室多酒酣清興發鼓掌助了歌

初夏病起

去年此日亦病

隔歲同今日扁扉兩卧痾科頭恣嬾慢屈指負清和
砌草幽相傍欄花落已多亦知衰謝甚其柰賞心何
安小范王行甫同醉北園各賦四首

歷亂千花色徘徊二客情携壺穿石棧脫帽倚山楹
竹裏雲猶濕松間鶴並鳴風泉何處落儼續和歌聲
其二

尺寸山園景能牽客興濃半酣仍改席深人屢停筇
蜂擾花鬚亂魚吹石髮新攬衣纔出洞旋被白雲封

其三

黃鸝聲不斷客興轉難持
百卉供行酒群峰倚賦詩
日長疏冉摘談罷忝重炊
淡薄山家味惟應達者知

其四

樹密亭時隱溪迴徑忽分
杯盤橋外列簾鼓洞中聞
細算抽玄玉飛花簇錦雲
陶然枕流計那敢復論文
徐行父張羽王同遊蓮葉洞有作見懷寄荅二

首

美遊蓮葉洞清嘯女郎祠
祠在洞口涉境都成趣
停盃有所思
片雲銜楚越雙劍吹雄雌
命駕非無夢迷茫

九疑

其二

石室經神斧紛披千葉蓮憑雲開佛座隔水繫仙船
倚醉歌相和懷情遠見憐無緣赴幽賞得句轉淒然
暮春黃使君見過北園小集二首

五馬出行春因之叩隱淪穀鳩鳴不歇桑雉乳初馴
掃竹移賓席攀花記酒巡登臨殊未已纖月起城闌
其二

三徑雨新足千花過便華關林驚伏兔俯澗狎遊魚
坐怪雲峰變眠耽石室虛山公自清興只愧野筵疎

哭母歌二首爲劉子明方伯賦

遊子牽行役驚心到北堂石梯雲片片淮海淚行行
時方伯在淮陽叱馭歸無及居廬恨獨長總知存口澤列鼎爲誰將

其二

無計能將母千山洒淚歸骨寒曾氏臂腸裂孟家機
烏兔群相弔松楸慘不輝茫茫大宵宅何處覓慈帏
閱邸報見駱評事于仁四箴訝其大戇也爲賦

二首

聖主容臣直中朝覲四箴危言多逆耳薄譴但拙籌

風雨憂天淚山河翊國心西歸且高卧勿復問浮沉

其二

公子纔英妙居然漢魏臣不緣懷鯁骨那敢犯龍鱗
國重千秋鑑天留萬死身孤忠懸太華勿謂秦無人
早春諸廣文邀過學宮望雪

西嶺雪初霽東膠春漸深斷冰融壁水高樹簇珠林
坐就青瑣臥行搔白首吟湖雲開四望直爲洗塵襟
寄贈宗侯以高以端伯仲

有美王侯族偏敦孝友風甘貧嘗共被執禮尚同官
感慨白華萼迢迢青桂叢題詩遠相問不羨鄴臺工

答黃文學

身世都如寄行藏各自憐
衰顏須藥餌幽興且詩篇
計粒供餘日循牆避少年
隔春梅柳色已欲妬華顛

二月雨雪

二月天仍雪何時解散裘
凍雲三楚合陰侵萬家愁
坐見花無信難期麥有秋
廟廊司燮理藿食向誰謀

答直甫宗侯見寄

念我何珍重裁書兩見通
未分平樂宴先挹建安風
白髮憐交晚朱絃取調同
涉江采蘭杜豈必桂成叢
甌甌洞續葉詩部卷之五終

甌甌洞續草詩部卷之六

武昌 吳國倫 著

構李 馮夢禎 校

五言律

閒居偶作

永日稱閒居經年頗著書捲簾調白鶴憑檻數朱魚
咲語諸孫卿棄殘衆客踈無須卜身世天地一蘧廬
七夕後一日立秋夜坐

露下桐陰靜風微竹韻幽浮烟仍助暑細雨忽迎秋
偶起窺河漢依然隔女牛惟應衰病客偏覺歲華流

門人李綿州景淳過訪三首
秋暑毒於夏相逢且慰勞
髮容驚歲月身世穩風濤
揮淚杯仍把看雲首自搔
誰知空谷裏有客問綈袍
其二

夢寐中原別于今十五年
因君能念舊使我復淒然
義自傳經重才應製錦偏
夜深群籟息清切聽朱絃
三中秋後二日思素思貞同韻
惟烈携榼來賞秋
牡丹再詠二首

節已中秋過花初上已開
物情驚變幻氣候豈輪迴
裊露胭脂潤迎風瑪瑙摧
遂令秋有色何怪客重來

其二

昨訝秋容豔
今看雨態新
香留曾醉客
色助苦吟人
勝賞猶堪繼
高歌亦有神
爲耽花勝錦
翻惜髮如銀
徐應時文學居喪卧病爲賦二詩慰之

不道之官去
翻成哭母歸
祿懸曾氏金
絲裂孟家機
淚下秋聲劇
魂銷露葉飛
尚留鷄骨在
支枕弔斜暉
其二

抱病孤雲卧
秋隨百感生
疎籬寒菊吐
短榻夜蟲鳴
筮仕貧猶故
思親夢屢驚
存亡皆汝託
何事不含情
寄懷方仲美二首

得汝真州信
浮家且暫安
辟人提甕好
違俗賃書難
風雨三秋隔
簾簾一水寒
月明詩興發
誰與步長干

其二

清狂誰似汝
所至卽蓬蓬
僦舍先移竹
窺園亦抱書
客來沽市酒
盤盡覓江魚
醉裏新詩就
那能不寄予

暮秋寄懷張進卿侍御二首

九日紫桑里
黃花只媚君
能無思酒伴
祇是隔江雲
夜壁蟲相語
寒空鴈忽分
此時神欲往
獨酌不成醺

其二

廬峰幾千尺
飛影落吾廬
不與君同醉
那能老索居

離荒三逕菊盤憶九江魚風雨遙相望秋愁總未除
與載道累夜痛飲再贈二首

老影寒相吊開樽累夕同怪來詩興發多在雨聲中
自許悲歌壯都無禮數攻時情君莫問一醉九愁空

其二

江關風濤險途窮物態新惟餘荒徑在常得故人親
秉燭適忘倦揮觴不計巡醉時殘菊蕊欹側舊綸巾
御張質卿京兆書却寄

未識張京兆論書遠見親中流存古道南服起斯人
一鴈懸相問雙龍會有神瀟湘千里下誰者是知津

小至徐應時黃思素思貞呂惟烈過賞霽雪饒
汝順適至同賦杯字

星帶微陽聚梅衝霽雪開夜堂留秉燭寒漏促行杯
世路稀同調詞林借異才詩成紛自喜改席更徘徊
至夜酌汝順

日至寒初薄情殷客再留深更除木榻殘雪擁皮裘
一線添何許千杯醉未休興來時起舞却笑剡溪舟
得徐應時雨雪感懷詩賦此慰之

咫尺過從少相憐歲欲殘經冬頻雨雪比屋半飢寒
老病將詩遣窮愁藉酒寬寥寥洛陽令誰復問袁安

趙用拙以藤杖見惠謝之以詩

六尺枯藤杖何常遠見遺堅如九節竹靈北萬年枝
末路悲歎側衰形倚護持無須飾鳩首玉岳遂堪馳

歲暮寄蔡卿

擬踐登臨約其如雨雪何東方懸紫翠北谷掩藤蘿
興自凶年減愁偏晏歲多經時不共醉咫尺悵關河

吳求叔將之金陵迂道過我同徐應時夜酌

江上歲云暮南遊興未窮野堂三雪霽寒夜一樽同
老態愁中出新詩別後工遲留千里棹不爲石尤風

除夕慰應時

可憐徐孺子思母夜哀呼歲盡愁難換春回望轉孤
廬居空鬱壘野奠亦屠蘇何處鳴簫鼓偏驚城上烏
初春簡應時思素

以下辛卯歲

獻歲苦陰雨探春不見春無多殘雪徑偏阻問奇人
老竝枯楊瘠愁隨細菜新蕭條掩蓬戶椒柏好誰親
迎春日王君實至

萬戶迎青帝孤航叩野夫晴雲開睥睨春色上蘼蕪
且與歌相樂何妨酒再酤隔離簫鼓發頗欲助狂呼
○立春日梅泰符至

客應條風至探春坐野堂力能追大雅興不減高陽

雪後梅花賦燈前柏葉觴宵分談轉劇老態亦堪忘
寄題汪別駕涵虛亭

萬井羅仙署孤亭出女牆山圍江樹小波亘楚天長
石櫺憑寥廓風帆涉淼茫公餘足奇賞何客共飛觴
孫節婦

見道孫家婦孀居四十年毀形存白首枯淚徹黃泉
節自旌門重名垂斷杼賢異時收國史應並柏舟傳
憩郭震卿書室留題

斗大圖書室蕭疎竹樹間憑雲張淨几暨石擬名山
偶許携琴入都忘良履還風塵滿江市珍重此偷閑

郊外戲別郭太史美命

我行赴東海君返鄂王城彩鷁遲遲發青驪故故鳴
文章千古事風雨一樽情更擬灤江上相携采杜蘅
潯陽逢趙博士仁甫

潯浦逢遷客風濤淋自驚詞才當五老經術引諸生
推轂已無力解袍空復情三雍行名對猶得振儒名
過皖城遇趙山甫使君贈之二首

蚤識奇男子俄稱郡大夫旋辭金馬署來結玉麟符
地扼江淮壯天縣保障孤漢家二千石年少似君無

其二

曉水聊停棹居人頌異才擬登天柱閣同射望蛟臺
狂興不知老遠遊寧見猜城頭數峰色應促故人杯
和項思堯曲池草堂詩二首

一池穿九曲曲曲抱精廬就石爲雲卧開軒手道書
襖修蘭水社山借武夷居總不關人世悠然悟太虛
其二

宅枕山如斗臨流百慮捐種魚分九島浴鶴引雙泉
松菊晚成趣水雲幽可憐客來時唱和猶勝永和年
舟泊真州小運河李季宣孝廉携具見訪席間

同賦二首

新柳暗河橋。繼舟待晚潮。美人携酒過高曲。倚絃調
遂與恁酬。勤因之破寂寥。推蓬見江月。隱隱薄層霄。

其二

客借詞名久。交深未面時。同聲殊不偶。握手謾言遲。
句裏風雲氣。樽前海岳委。豈應今夕語。能使世人知。
立夏前一日次閩門逢故人王承父曹子念並
抱元美之感有感二首

江行春已盡。日暮泊金閨。偶與故人遇。翻增鄰笛傷。
素心寒道路。華髮短風霜。聚散都塵夢。淒然罷舉觴。

其二

八載吳門別那知此再逢相悲人世短只覺友情濃
花落長洲蘆雲寒岸峯峰後期難可定天地各浮蹤
讀曾子念哭其舅氏元美詩有感二首

渭陽情不淺辛苦視沉痾託死言言踐招魂字字哦
哀深門客誄工踰挽家歌掩卷成悲感浮生一電過

其二

哭舅何淒惻詩傳東海濱
素冠素客誰似守玄人
句裏神如在生前迹已陳
向來揮彩筆點染血痕新
婁江舟行與叔嘉談詩二首

爲探風雅秘日日過吾船
千仞吳山石難同汝意堅

江鳴爭赴海潮起欲吞天吾道亦如此誰從象外傳

其二

烟雨過江市維舟晚更晴酒間潮暗落歌後月微生
問道隨肩人登壇捧血盟百年看此夕清切古人情
元美喪次逢茅平仲因得誦其百韵輓詩愴然

賦贈

會弔何曾約參差白馬來暫留知有待偶見亦堪猜
灑淚同思舊摠詞競寫哀可憐今夜月淒惻傷蘇臺
視楊仁甫駕部病有作二首

海上歸司馬湖南憶使君操舟來訪舊叩榻擬論文

侍養心初遂憂天慮尚殷幾時捐藥餌宣力樹忠勲

其二

問疾輕千里論心又一時豈應枚氏發不及越人醫
靜室身如寄強年髮已絲花前一杯酒那忍對君持
叔嘉邀同吳中詞客三十人餞于虎丘得乘字

又分得年字

詞客空城出靈山躡屨登南花千佛現雲氣五湖升
酒自憑中聖詩誰悟上乘相逢都幻夢何事別愁憎
一片生公石重來又幾年詞才吳楚集勝跡古今縣
列嶂排詩案三江決酒泉醉留僧榻卧且莫問歸船

又代張美人賦花字

美人不舞歌而醉
爲詩三首前送酒

人夢非神女無音愧館娃
遙筵供授簡除石待看花
千樹留殘照詳公醉落霞
只疑河鼓畔親切附仙槎
馮元敏憲劉遜過白雲亭小飲同賦雲字

進艇凌蒼浦移樽就白雲
蘿花疎點綴隴樹鬱氤氳
境到雙亭辨天纔一線分
和歌情正愜忽慢惜離群
與諸客飲周公瑕園亭陳公衡明府適至同賦
一畝清涼界翛然精舍傍
石稜分縹緲池曲瀉瀟湘
高樹雲常合疎花雨自芳
俄照仙令至風景印河陽
顓晉甫遜過真僧方丈小飲分得東字

結侶虹橋畔逢僧虎澗東
水雲蟠繡佛苔蘚蝕花宮
坐久塵心淨詩成幻象工
傳前雷雨過萬象總虛空

吳江舟中卽事贈冒伯麟秀才四首

淮海宗卽後雄才更是君
少年能博物高步獨離群
交自論文定名緣避難聞
會須千氣象那得困風雲

其二

館人王伯子高義魯朱家
不必更名姓相留且歲華
飲泉妨下石抱影怯含沙
解后東吳市何如過狹斜

其三

吳中閨俠骨寂寞古今人
風總欲修恩怨還應託異同

爲君雙淚落結客少年空引手將排難猶慚貫日虹
其四

累日江船醉愁心漸欲無美名留異地大業起窮途
氣激育濤壯歌憐郢雪孤天風將六翮應不負南圖
送冒伯麟暫歸對簿二首

黯淡孤舟別倉皇間道歸美才人欲殺亡命客誰依
不辨償金誤翻嗟抱壁非還如東海慈白日慘無輝
其二

語罷星芒失行驚海色寒衆人皆右袒吾子亦南冠
家破歸無計殘危陷轉難總令冤竟曰此別已辛歲

周光祿良玉同兒輩小飲北園因過蓮華菴訪僧光祿有作走筆和之

一逕浮烟外群山霽雪中
兒童能醉客詩句獨稱雄
掃石歡相藉臨流悵未同
猶聞訪蓮社載酒過墻東
同諸客過集程康伯館留贈二首

自有同塵意無妨近市居
入門親丹石窺牖靜圖書
把酒能歡客論詩亦起予
少年殊好古詞苑未應虛
其二

步障開雲錦盤珍素對歌
諸金縷奏杯借玉蓮供
且縱踈狂與聯寬老癡客
西朝江路別回首一萍蹤

借樹齋爲李元禮題

庭階不種樹嘉樹在比鄰屋角雲梢出牆頭露葉新
圖書分潤色口福乞精神安事橐駝巧扶踈目可親
江上見騎牛者心羨之

薄暮村童返徯江橋跨牛緩驅妨坼坼斜引避橫流
雨浥蒲衣濕風調荻管柔翻憐衰馬客辛苦爲人憂
俞美長再寫北園教然自喜以書見驕病中戲
報二首

汝別山園久重來徑未荒引泉新滌釜截竹旋撐牀
魚鳥緣非淺林亭興復長不禁飛動色偏向病夫狂

其二

一壑吾所擅何期汝再侵披雲臨曲水辟暑坐繁陰
只許山僧坐翻嫌地主尋詩成誰屬和木石倘知音
羨長以二詩見和似謂予臥病不能窺園遂據
山池之勝爲已有無賴哉復作此惱之

客狂何太甚占我白雲隈幸不移山去還思縮地回
淫霖欺伏枕涼月妬登臺傳語花神好先秋莫漫開
寄贈史安化

古邑三湘曲孤軍五寨懸自君修牧政無地入蠻烟
勸稼過仙嶺烹茶酌竟泉行能漸高第何忝漢青編

莆田山人柯敬之暑中過訪病不能見先此問之

畏暑逃深谷聞君海上來足音殊自喜懷抱未能開
結束經旬廢交游隔逕猶聞奇無一有虛遣客徘徊
王德載將軍以雅娛閣詩見投因贈

亦有封侯骨時平甲馬稀背城開石閣長日閉烟扉
酒至群愁息時成萬事非酣來逢俠客鼓劒說戎機
贈孫玄亮茂才

濟濟都人士孫郎更好奇美如標玉樹腴頰飽神芝
不作人世語應逢世外知相過且杯酒未擬和新詩

次蕪湖再過王仲修

兩度逢王粲徘徊蕪藻間心仍懷古赤髯益苦吟斑
水國憑栖泊天都信往還歸舟滯風雨盃酒破愁顏
偶過福勝寺遇曇上人共飯

問偈出西筑逢僧在上藍
席容高座近禪許大乘參
受飯俱三鉢繙經定幾函
聖賢如送食諸衆莫須貪
贈法堂禪師

四大本無住法堂何處開
十方皆福土三昧卽香臺
花擁金輪現雲霧寶筏來潮音
不在耳清切妙心圓
向封君石田先生斲詩二首

煮石功難就移山力未強偶然窺損益遂悟等彭殤
迹謝風塵世神棲廣漠鄉雲中少微見卻令里人傷

其二

比里稱耆舊餘年席寵光地靈三鳳穴天錫五雲章
忽有龍蛇識寧辭劍舄藏向平嘗五嶽千古共相羊
項叔定同徐應時過飲

病起厭逢迎其如千里情客乘涼雨過秋入草堂清
閱世逾懷古論文莫近名心知無早暮斗酒慰平生
徐應時携具北園邀陪叔定二客有作醉而和
之

共飽青泥飯仍調紫筍羹親知殊款密不覺候蟲鳴
有感示兩兒

兩兒俱落落天意豈堪論種德慚先世忘憂視弱孫
亦知終遇合何計遣朝昏強咲持杯酒其如隙駟奔
重九前一日同徐應時挽舟訪鄭汝志夜宿排
市作

訪戴聊乘興美猶一水荷菊芳迎九日舟逆上千山
忽雨漁村暗中宵旅夢遠諸峰雲際隱明日共君攀
九日同應時飲鄭汝志少參宅

不待濠梁約言尋鄭谷來且停蓮葉舫同泛菊花杯

九日期非偶七年懷乍開參軍落帽處風景尚徘徊
龍山即在其處

九日晚過徐懋誠比部宅

不是東籬徑秋花晚更芳扁舟窮一水斗酒送重陽
手劈湘州橘爐分漢署香占星臺氏遠百里自輝光
秋日過訪徐懋誠比部留宴大司空舊宅三日
諸從諸孫咸在即事四首

百里牽瓜葛相過不厭頻遲迴青雀舫潦倒白綸巾
但擬松蘿狎何當俎豆陳酣來不知老高倡亦天真

其二

巨室森喬木天書表義門
千山環作障百井聚成村
况是衣冠里常延雨露恩
一經傳未艾玉立又諸孫

其三

姓以司空著山從大幕分
九龍蟠地脉萬石表人群
墓勒輶輶寵鐘銘水土勲
通家殊忝藉四世挹清芬

其四

不道衰年客能追永夜歡
雲霞張綺席水陸聚雕盤
曲斷聲仍繼杯深興轉寬
移樽出花木河漢已闌干
初冬喜伯明見過

秋盡無多日籬東菊已殘
漸驚霜氣重須放酒懷寬

老病還詩卷行藏自釣竿
庭柯延露 扶醉與君看

晚過應時留酌

僻巷寒先到蕭然孺子居
短牆支緯荔靜壁擁圖書
起覓鄰家酒遲留長者車
清歡忘夜永無夢亦遽遽
應時以道携酒夜過共醉成詩

受學稱高第忘貧似老夫
爲憐常嗜酒每過卽携壺
玉樹輝相映朱絃調不孤
籃輿堪醉卧豈必倩人扶
雪中對菊

雪裏看殘菊蕭疎不自持
寒侵垂墮葉風折未枯枝
晚節標廷序餘香到酒卮
六花疑有意相向結幽期

送黎郡丞棄官歸湖海

託足三湘表，攢眉萬態間。
何如浮海去，無復畏途艱。
嶺雪侵行旅，江風壯別顏。
須臾且杯酒，誰忍唱陽關。
立春前二日胡山人迪侯永年伯仲自毫來見
訪談玄酒間賦贈

臘盡寒初薄，郊園擬放梅。
逕翻方外侶，迢遞雪中來。
擬共調金鼎，何辭泛玉杯。
山雲生五色，好結聚仙臺。
立春後二日北園酌適侯永年

偶結食霞侶，同探隔歲春。
梅花紛入眼，柏葉驟醺人。
凍解溪鱗豁，風微谷鳥親。
木然心境寂，不問武陵津。

元日簡通侯永年二道友

時寓通真觀。以下壬辰歲。

律改三元應天廻萬象新仙家無歲月旅次亦陽春
鼎覓玄都火盤分野市辛卯依瞻上帝卽恐是前身
胡適侯子祈年善離玉印章爲子友汪伯玉方

仲美所賞因寄贈一詩

不擅雕龍技誰操切玉刀鼎鐘懸法象科斗變秋毫
迎刃龜書出藏鋒鳥跡勞遂令神寶氣常竝五雲高
戴道仲寓謝公祠有作見簡走筆荅之二首

暫去經殘臘重來及早春年華雙短髻江海一羈人
借榻荒祠下行歌出水濱不妨車馬絕箕坐看垂綸

其二

病後詩能進春來興不孤晴先川樹合衰色酒樽扶
古屋平榛莽虛窓過舳艫館人那得識寂寞是真吾
送仲道遊金陵謁伍儀部

所遇誰知己褰裳數問津可憐憔悴色又作遠遊人
賣賦聊供病千時豈厭貧金陵訪同調山水故情親
喜門人黃元甫登第寄贈二首

上苑看花處天香結五雲飛騰千里足拂拭九苞文
仙醴大官設宮衣內使分喜心那可制中夜捷書聞

其二

憶汝及門日，心知用世才。俄聞登上第，自起泛深盃。
大業須鐘鼎，餘光亦艸萊。龍洲躋富口，氣象一時開。

子龍宅宴集留贈

輟耕維江渚，披衣過石門。千山環作障，一室聚成村。
秉燭留支榻，徵歌侑舉樽。清歡殊未已，殘月墮前軒。

其二

太守懸車處，門迂徑寂寥。高江浮日月，喬木挺雲霄。
古色看龍劍，雄聲喝雉梟。往來不知老，徹夜飲逾驕。

北園贈馬義徵二首

遠汎秣陵舟，言憑鄴渚游。圖書生古色，交結盡名流。

不憚風濤險偏憐水石幽烹葵聊佐酒累日爲予留

其二

羽觀旋擗榻山園日即扉起扶挑竹杖歡逐薜蘿衣
掃石書奇字看雲隱少微坐酣臨水檻詩思欲翻飛
苦熱戒飲簡應時思素二首

苦爲炎蒸迫重懷雲漢憂樽罍那敢近巾舄若爲離
屏食應資雪食眠合枕流泠然思鄭圃便欲御風遊
其二

不是窮炎海胡然逼沃焦也然神漢涸天怯火雲燒
熱短妨呼愛心爲嚴暑屈總無河朔興翻畏酒入招

送義徵東歸二首

避暑山園好鄉心忽自驚
搖搖書畫舫望望石頭城
秋近青楓落江空白露生
登堂將老母先握楚蘭蘅

其二

馬卿元重客偏不厭子貧
湖上淹留久樽前意氣真
重來雖有約此別竟誰親
到日聞江鴈能無憶遠人

送吳國賢明府赴陽山

一令成三仕艱艱自楚臣
美才堪枳棘長路飽風塵
縣僻山谿壯官閒著述新
見飛從嶺外清切向楓宸

贈顏非魚

不淺江湖與飄飄一布衣辟人移小艇訪我到漁磯
但取浮湘意何須見戴歸巖居方苦熱隔水重獻欵
壬辰夏日聞西夏之警志憂下首

忽有邊城警逾增賦憂如何新附虜遂據古靈州
羽衛聲先奪轅門血亂流諸君懷國恥爭欲借前籌
其二

群兇起一呼禍亂古來無將帥俄駢首王侯盡係俘
貳心那可測百足倘能扶易將今逾急時時出虎符
其三

聖主勤西顧紆籌坐幄中將軍馳討虜直指奮從戎

但擬遼陸靖寧辭內帑空師行仍六月何日奏元功
其四

三關魏開府威略世人傳氣欲吞群醜謀應出萬全
稍聞兵漸損翻令壁逾堅伏虜遮秦將傷心半未還
其五

辛苦攻城計其如虜備多餽糧投黑路倒刃血黃河
大將圍初解殘兵奮若何尚方重賜劒殺氣又差我
其六

結虜謀非淺求招禍已藏奪符稱義士傳檄僭天王
節制威無恙腥膻氣轉揚此曹如不殄何以振三綱

其七

秦越五千里徵兵倘後期中丞操緩急西土困瘡瘼
物力民間盡天心主上知妖氛今日淨時事已堪悲

其八

父子都名將宣威出賀蘭目中無叛虜部下有材官
何事傳烽久將無破竹難安危憑一戰慎勿負登壇

其九

塞上時時警朝端事事新請兵知虜重加賊忍民貧
草澤心俱遠冠裳氣未伸可憐垂死日難作太平人

其十

世外關何事煩憂總不開
纔經邊禍慘復誅海鯨來
託跡無安土偷生只釣臺
何當天又旱野哭不勝哀
送黃汝礪州牧調簡州二首

年少專城吏東南一異才
左遷何黯淡西去獨徘徊
玉壘雪中出錦江天上來看雲
時臥閣戀闕好登臺

其二

小郡勞驅策灾年仗拮据
千家恩不淺五馬望來虛
去後存公論無情是謗書
前途蜀父老負弩待軒車
哭舒恭人八首

胡然有斯疾七日苦呻吟
吟虛殫巫醫力空驚兒女心

正容殊未改冥運已潛侵執手那能訣含哀攬敝衾
其二

慘淡移牀第倉皇閉寢門委形成土木瞑目弃兒孫
未滿從前意難招此夜魂愁烟結不散何處有乾坤
其三

篤愛非予癖溫恭自可憐那知偕老願遂畢始衰年
事去紛言命心傷敢問天無情牕際月偏向獨夫懸
其四

吾衰嗟已甚爾去渺何之人壽知無幾天心竟可疑
北風淒寢室斜日淡靈帷舉自無昏曉餘年事事悲

其五

質性元端好從予自少齡
國恩叨象服家政屬儀刑
太衍期初度長宵夢不醒
半生心曲事哽咽間修靈

其六

向來敦一體此別更鍾情
室有栢棧澤庭無機杼聲
弱孫啼總帳詞客贈銘旌
廬杖遵劉寔從他惡少評
其七

老鰥人所惜而我更悲涼
腸學風輪轉愁隨日馭長
空閨塵几席舊笥冷衣裳
縱使華元善初盟未忍忘

其八

兼哭陳恭人

偷生垂七十年，奪兩恭人骨。朽無先後魂，銷有故新德。宮題可並背，幄望難真滴。盡平生淚，蕭然一病身。

題雲隱書屋

邸第偏幽，蒼林蒼生。白雲輕陰，魚藻集濕。靄燕梁分，素疊諸峰影。毫揮五色文，常含興雨意。玉葉自縝紛，韓伯鞠辭負。妓行失，跌破面戲簡二詩。

怪汝如泥，醉猶能負美人。踉蹌遭一蹶，顛倒失三辰。淚血交相泣，垂頭各自嗔。佳期成兩敗，那得不傷神。

其二

掌上應能舞肩頭忽已飛石稜侵月貌塵滓妬霓衣
墮馬妝逾美求凰調豈非捧心堪自媚何惜路人譏
賴茂永經歲重來寓我北園喜贈二首

君來秋已盡舊徑不曾荒樹欲平山閣雲猶護石牀
圃蔬全待雨籬菊半經霜往歲題詩處藤蘿已漸長
其二

下榻曾山館重來卽故居微吟當水石緩步狎禽魚
稚子行供茗鄰僧伴讀書會心忘主客豈復是吾廬
秋日携斗孫宴黃思素宅思素自喜得倩倩見
乎詞屬和二首

抱孫新出郭來謁萬松居正愧東林選何當左席虛
彩雲羅俎豆綠竹是圖書宅相名家勝猶然卜魏舒

其二

右族乘龍客貧家弄鳥兒出門新燥髮登坐卽揚眉
雅似陳荀會兼耐伉儷詩何人擬冰玉恐只爲君私
爲茂永題恩園

怪來高卧穩舍後卽東山節以披裘重機緣拙羞閒
野雲樓竹閣浮世隔松關晏坐澄心境新詩取次刪
夏郡博到未一月聞喪東歸信焉賦此送之

謁帝領儒官文星楚士看講堂
穠未煖親舍夢先寒
匍匐江程險呼號粵樹殘
終天惟飲恨何計復承歡

送吳別駕將漕之留都時別駕有歸志詩故及之

向有投醪意寧辭轉餉艱
風濤飛百舸帶甲擁三山
祗役承平後論功戰守間
如何正強健遽擬拂衣還
春草館爲登之題

步武俱龍種工文亦鴈行
居臨鄂王渚景卽謝家塘
藉艸爭揮翰攀荆並舉觴
異時徵孝友誰辨白眉良

送孫節判棄官還新安

懷牒佐山郡衙齋席未溫歸心偶自動去棹忽如奔
世外無機事林間亦主恩請看彭澤令風節至今存
齋後種斑竹芭蕉二首

幾個湘妃竹新從北墅分龍鱗猶挾雨風尾欲捎雲
近植交圖史幽藏避斧斤微風激清籟未必世人聞
其二

移蕉種閣裏伴我隱牆東取意憑舒卷清心悟色空
紫莖先吸露綠羽自生風覆鹿元非夢蕭疎爾正同
聞故人鄧潛谷起授翰林待詔寄訊二首

自罷金門謁深山
只書神遊千古上
心苦廿年餘
述作承先聖行藏
委太虛清朝開虎觀
詔下遣安車

其二

叔世無巖穴
惟君隱獨真
形求知帝賚
聘至卽天
良石匣藏書
舊形闢載筆
新旋看起居
汪清切動楓
宸

送蕭舍譽遠遊二首

病起愁仍劇
江天已暮春
且持新漉酒
一醉遠遊人
杖底三山路
樽前萬里身
歸來詩滿篋
壯氣迴能伸
其二

遠曳盧敖杖，兼浮博望槎。題詩山鬼哭，擲筆海神嗟。
手掇三珠樹，眉分九色霞。尋真徧岩壑，萬一過仙家。
喜汪象初過訪

石外停遊屐，松間載濁醪。談玄心境寂，浮白水雲高。
姓字曾仙籍，行藏且釣舫。幾時丹藥就，重過莫言勞。
北園飲象初羨長巨源

雨徑來三友，雲林共一樽。才情時輩少，意氣古人存。
洗盞臨溪角，披衣坐石根。歌闌興不盡，澤畔采芳蓀。
與寇巨源俞羨長連飲一月卽事四首

數過情逾美，三旬飲未休。每聞爭博塞，無暇點觥籌。

與借詩歌助歡憑風雨留酣來相枕籍何減卧糟丘

其二

縱飲無昏旦誰如二客狂即經三十日已勝六千場
野性窮偏適時情醉總忘起看巖際雨亦作酒泉香

其三

東火芻春釀腰鑊刈野蔬總令童子病不放酒人疎
隔宿耳猶熱經旬髮未梳陶然天地外乃得遂吾初

其四

山園春正好客子莫言歸興盡仍投轄樽空更典衣
風花沾席亂月樹引觴飛竟月無醒日誰言阮籍非

題

宰木幾成拱枯楊豈再稊祗應收爨妾何乃問笄妻
水鳥驚新匹林鷗憶舊栖將無老萊子七十尚兒啼
謝程汝正送茉莉

誰移西國種新發廣州花倚石水姿澹驚人玉藥奢
暖烟回瘴海香氣鬱山家但得同清賞無妨酒更賒
慎汝學過訪便歸吳興賦贈二首

爲問雲遊客何從戴笠來將窮吳楚勝不盡古今哀
到處堪詞社還家且釣臺媿無奇可問聊與罄樽罍

不忝吳興彥能文有父風國恩存萬死家難起孤忠
博物張華後耽遊向子同扁舟訪戴歸卧五湖東
詠黃榴花

丹榴忽改質朵朵色絲蟠氣欲凌萱草香仍遜木蘭
雲霞金佛面法象羽人冠我亦黃中子憑軒飽自看
贈明上人二首

祇林無一樹妙相只空花度世寧逃世忘家當出家
總能通六藝無礙演三車迷覺原同性飯心是釋迦
其二

海上浮杯至城中施藥來衆生消障業諸品破輪迴

幻迹雲無定禪心劫並灰不須嚴酒禁蓮社好重開

潘庚生過訪

江上暑新毒君能千里來旋除松塢榻小泛竹林杯
御李吾何敢浮湘汝自才把詩憐意氣木末凱風回

潘庚生留寓北園賦贈二首

怪汝耽幽獨移裝就水亭林行諳鳥語磯坐檢魚經
樹隱三梁紫苔封萬石青高眠陰洞裏誰測少微星

其二

適楚寧無意聞歌赴采蘭欲舒高視目常着遠遊冠
舌在談天易眉揚混俗難園居發孤詠花石解留歡

何興父考績二首

地阨三湘勝班居衆令先道旁謳父老帳下立才賢
嘉績虞廷奏循良漢史傳 賜衣雲五色庭舞更蹁
躑

其二

仕楚年纔壯浮湘氣不群詞才當哲匠宦蹟起神君
佩劍雙龍躍 褒書五鳳分清風延楚服處處挹蘭
芬

有感寄訊王行甫五首

汝抱連城璧徽音故不瑕稍聞龍失水坐見虺含沙

左袒緣天幸南冠悵物華移時公論定何損大名家

其二

百吠訛相應孤鶩亦自驚詩書成怨府草木盡疑兵
直似風霾過無傷日月明窺籠戒鸚鵡勿復向人鳴

其三

垂老偏多難才名是網羅深青期勿上楚曲恨難歌
不是排雲手誰操返日戈諸君憐國士一語散羣魔

其四

緩急心相弔呼號力未伸不知排難者曾是感恩人
萬事何常態千秋只此身古來明哲士投足良荆榛

其五

不惜黃金散何妨
白璧汚日中行
颺颺堂上集
蓬蓬
自倚孤懷壯
寧煩百足扶
餘生同浩劫
恩怨本來無
哭顧子敬茂才四首

隔日傳書到奚奴
尚未還相將
期竹下忽已謝人間
今古須臾事
灾祥氣運關
大江雲日暗
老淚獨潸潸
其二

自執通家誼
常憐用世才
時違雙足別
境逆寸心灰
家學聲猶振
宗祧計已摧
斬城十萬戶
誰不爲銜哀
其三

家難倉皇起泉臺旦夕封壚頭思酒能坐上憶談鋒
氣盡人如在才高世莫容稍聞窺大藥化去亦仙蹤
其四

久抱憂生疾那堪哭汝悲齋縣曾下榻篋掩舊冊詩
毒霧埋瓊樹悲風奠玉卮亦知泉路阻猶有夢魂馳
有感再哭子敬二首

白壁心難剖黃泉恨未平片言能辱士幾日遂捐生
緩急窮交分辛酸巷哭聲悠悠江漢水東下亦含情
其二

三綱那可戮三尺竟誰操枉直難爲理低昂信所遭

論才虛駭骨絕命等鴻毛濁世殊堪憤宜君遠自逃
夏日偶遣兩兒出江旣發念之

新漲浮天闊江仁涉苦辛風濤舟倚岸暑雨食依人
永日縣羈旅空鄉繫老親歸帆應咫尺莫遣望迷津

瓶齋洞編

書評部卷之六